



葆冲書屋集卷四

古今體詩八十一首

張桐谷比部乞假後寄居僧寺旅况蕭寂詩以訊之  
並訂出城小集

白雲廳畔老詩人吟破千篇不療貧塵滿官倉餘一粟時倉秩初

滿日斜蕭寺卧雙輪浮泡世法澄觀久脫屣名心勇退真底

事玉谿幽怨劇蘭舟重與證花身君近有集義山詩八首答錢襄山農部見贈之作

帚屐花間總舊遊頻年華屋慟西州應劉後死真成憾蘇李

臨分始欲愁座上誰曾談塵贈枕中虛想秘書求霜林碩果

經秋少為戀枯條且復留

熒熒燕市古衣冠肥馬高車興早闌道故有情如味諫耽佳

葆冲書屋集卷四

成癖勝求官重闔肯為看花出窮巷無嫌得酒難咫尺湘靈

共延竚江峯一曲夜深彈謂襄山

長男世植將就婚南行值其二十初度詩以示之時

八月二十七日

曩吾及汝年秋試罷甲午歸舟指籬門值汝晬盤甫閱月汝

妹生窮鳥已鍛羽空憐荆璞抱未學長袖舞呱呱聽啼飢鬱

氣滿庭戶逡巡二十年頽立遽如許乃翁困薄宦教督殊莽

鹵讀書苦中資作字鮮成矩嘔啞五七言澀若未調鶻鵠袍

集京兆員可納粟補非才固自餒綿力亦中沮坐看籬雲蹄

興為伏櫪鼓授室茲有期南行促資斧歸尋釣遊鄉童冠豈

無侶庶幾芹菲微進取力堪努宜家尤要術正位始男女專

壹既乖和嘻嗃益招侮矧為淳于瞽譬賃伯鸞廡檳榔戲劉

秀水陳建江如洋潤民  
不陳民  
不陳民  
不陳民

穆痛每中肝腑但葆玉潤姿毀譽皆糞土吾家貽謀艱味鍊  
菜根苦食纔備漿藿衣足禦寒暑貴游競豪華習乃類妖蠱  
薰衣復剃面齷齪寧足數故鄉戚黨繁舊誼聯牡荇都非敵  
以下舉趾戒跋扈里門過必式斯禮準諸古維桑有敬恭毛  
裏義云取先塋近百里塼甃委風雨表阡嘆無時蒔柏效可  
覩汝伯髮非漆垣墉力扶樹汝將隨拜跪畚鍤助肩舉用誌  
千里心罔間一堂聚吾言多家常世務罕覩縷此理期反隅  
推放固有序人當冠而字早謝鵬韞伍昔賢才譽噪束髮覘  
器宇巨容目睫蔽咫尺面墻堵黃菊秋未花家釀薄堪醕一  
卮爲汝酌德業謹修輔光陰坂九捷荏苒寸心慚送汝自厓  
返居人黯無緒重闈彌念結霜雪犯行旅含飴盼四代仰博  
笑顏煦去矣勿遑迴于役異祀帖汝妹亦及笄春風俟堂著  
陳閩朝簿願此鑒無聞成名勉哉暨

次錢竹西妹婿秋試報罷述懷韻並柬同人

五陵裘馬傲衰翁忽遣淒其感郴風奮翼澗池他日果迷途  
襄野暫時同時同寓被  
放者七人名心未易芟隨草秋色尤憐老向桐  
城上荒砧樓上笛都來振迓月明中

早年詞苑氣飛騰碾慣勞薪百不勝退筆藏頭成故將異書  
謀面抵良朋才華甘讓不羈馬智慧那求無盡燈老圃寒香  
吾事足東風桃杏爲誰矜

致身公等必青雲擘畫行藏笑語紛不少諸侯賓杜甫肯容  
司戶老劉蕢年豐五畝能招隱價重千縑有賣文一霎搏沙

須放手野田萃鹿正呼羣

妙句吟安癢欲搔菊萸香裏自題餽忍飢霧豹空求澤得過  
寒蟲又強號官樣文章花爛漫腐儒身世玉堅牢車塵送盡  
腸如結薄醉商量典緼袍

重赴保陽書院感賦

癡聾自笑不能翁徑挾茸裘走朔風歧路楊朱悲水已近遊  
束皙興難同生涯盡散千頭橘時隨行一篋懷抱孤撐百尺桐並  
轡深憐叩壓在謂竹西研齋諸君細聽飢雁暮雲中

晚炊茆店突烟騰破帽山肩潑水勝學圃人荒蔬告饑過安  
年甚稀蓋本  
年早歉所致躋堂歲儉酒無朋壯心月警空槽馬殘息風欺  
敗壁燈過客何方慰鳩鵠太平官長最哀矜

胸慳奇字比揚雲來避謔臺剝啄紛但覺柳絲臨岸鬪敢云

葆沖書屋集卷四

三

桃實向秋黃堂叅又到生公石坊刻重繙復社文却羨池頭  
雙舞鶴忍飢無礙骨超羣

短髻殘冬髻獨搔關心臘粥又年饒幽風民事籌無褐衛國  
賓筵諷載號兩牆聞蓮池  
轟飲聲故云大雪僵眠原太苦層冰立脚正須  
牢拍浮拚作沈酣計椽燭宵深淚滿袍

喜雪用杭堇浦前輩集中待雪韻

燈不成花漏失聲長廊飢鶴徹宵鳴三農望歲頭應白一士  
繙經眼忽明村店醅醕知價貴地鑪膈膊已春生如何逸少  
張侯帖只把佳時屬快晴

捉搦風前絮作團髻齡心性未全闌填池擔擔銀泥壓掃砌  
峯峯玉壘安賦筆遊梁空物色交情訪戴艱難豐年一等  
龍公手漸覺茸裘畏曉寒

講堂過午寂絃歌學士水衙冷趣多僵卧敢云寒至此狂呼  
不計飲亡何探梅幾輩間披篲種麥千邨亟荷蓑更想封章  
馳短驛有人清夢逐鳴珂

戲謂來青  
觀察也

吳少甫典試蜀中枉道保定書院索詩贈行卽用箋

頭周稼堂前輩韻

旱雲蒸天漲陸海紅塵素冠孑然在夜夢文星益部飛軒車  
到門名紙矮疇昔霓裳詠大羅天街意氣共英多十年君僅  
一階轉佳句空傳陰與何峨帽掃翠待君久玉雪無瑕碑萬  
口卿雲黼黻代相望歸獻

紫皇香案旁

古詩七章留別保陽肄業諸生

聖謨炳中天敷海文命廣恭惟風化先士氣重培養書院育

葆沖書屋集卷四

四

才地庠序視州黨矧茲首善區

帝宇北辰仰締構緬前哲規模鹿洞仿蓮池一泓碧風月坐  
春盎我來重流連古意愧宏獎論交文字間敦學冀相長別  
懷苦匆遽官路復鞅掌可無芻蕘陳稍慰問奇想常談嗤老  
生裨益或涓壤

士居四民首百行全者幾雖云全人難安取冒不韙大端始  
倫常義並日星燁周旋偶失墜婦豎獻譏誹燕辟實廢學易  
爻戒比匪矯彼挑達風成章庶乎斐北方氣剛勁履啞玩虎  
尾忘身詎非惑自待亦殊非病端難悉數中禍毒於虺檢點  
爾身心所就乃瑰偉毋徒志嚶嚶聽此言疊疊

六經道之艱至味如菽粟千秋洙泗心厄以秦燄酷表章出  
漢儒隆緒薪火續箋疏義類明古藻增綺縟餘芳丐後起一

鬱麇空腹今人昧根柢但付高閣束否亦誇速成刪節便村  
熙朝懋經學並試勵儒服願言勤菑畲勿效萑稗熟  
制藝盛有明永作取士則風氣雖代更典訓有程式明明聖  
賢心曠世若我卽樹質以肆文名教藉扶翼一變爲墨裁土  
木類雕刻美言不由衷負聲竟無力其流及小試利器詭獨  
得衣冠習輕佻徑路走纖仄尤爲心術害非止文字賊昔吾  
有先正立言如立德正襟請莊誦能使衆喑息

詩取娛性情深淺隨所造約之爲試律起訖變常調然而  
功令存將以敦厚教制從八股仿曲折具堂奧後先罔凌躐  
虛實貴兼到當其八韻成字字力排稟唐賢比長城茲亦壁  
壘峭操觚倘率爾部伍病輕越對仗亂班行中權失旌纛瀛

葆冲書屋集卷四

五

洲他日選拜獻實先導雕蟲含至理肯爲壯夫笑

保氏掌六書訓自沮蒼衍讀書不識字忘祖誦數典點畫消  
減增偏旁復訛舛弄麇及伏獵厥謬猶淺顯脫逢魚與豕疑  
似曷由辨說文肇許氏源流賅隸篆援据本六經尊若冠有  
冕旁通音韻微一母肉貫串以之祛俗蔽庶俾古風轉字典  
修

本朝義訓倍昭闡世鮮揚子雲侯芭盍自勉

歲暮風雪淒羈人念京華諸生負笈者亦各還其家追維聚  
首樂蹤跡真搏沙春風百草綠舊侶天之涯景光不我駐好  
修良足嘉

茅太師母何太恭人七十壽

渲金籬葦遲綻玉嶺芳早小春得氣佳壽母鍊顏好祥風扇

清門樂境啓仙島初成傳羽籙水部盛文藻偉哉家慶鍾邈  
矣世德考我師鴻磐奮隻手鳳樓造桓甕久食貧潘輿恰娛  
老羣欽剪鬚賢共致介眉禱設悅馨萼蘭加餐熟秬稻筵前  
公紀橋海上安期棗衣裁宮錦新書擁紫泥寶江介停白雲  
門墻廁小草西望鸞使遙南飛鶴儀皓因風酌瑤觴元髮期  
永葆

題茅畊亭師獨立圖

砥柱支中流高松出衆木古人不朽三咸以立相勗當其建  
豎成卑論俯儕俗譬彼神仙人遺世渺遐躅吾師抱清標介  
立本如玉罔干鄉黨譽况肯風塵逐天挺材不凡起作雞羣  
鶴十年禁鐘聽三載冰鑑握凜然不易方寤寐慎其獨寫春  
聊自娛意到筆已足凝然七尺軀楚楚儒者服既非坐彈琴  
亦異眠仰屋脚跟有堅牢地步無局促齟生如懦夫蓬質苦  
詰曲笑問所立何窘若寸錐卓程門雪方深此諦願三復

重赴澄懷寓園雜賦

癸丑

春氣動郊郭萬彙返華滋園廬撫逝景朋好懷睽離緬此啓  
戶蟄向陽復舍熙世局無故新朱顏各榮衰理我架上書闔  
我窻前帷好修憬前哲炳燭以爲期

晨興禁苑鐘夕卧鄰寺唄晡歸何所聞石道轉輪憊輪轉無  
時休曦光與俱邁坐嘆車中人未滿塵土債回頭忽自笑吾  
亦受天械

開門對清池屣履池上行枯株倦可倚魚鳥恬不驚池中亦  
何有萍藻浮青青前年碧筩飲鏡列千娉婷摩訶感塵劫意  
恐涼風生素質想泥蟠渺然含潔貞埋根倘如舊時至當敷

榮清漪照絲髻寫我低何情

嵐煙麗金碧間以松柏林日對苑西山不知山意深朝曦復  
晚照薄霽還輕陰氣象倏萬千不離太古心振策欲從之可  
憐隔嶽岑鍾期渺何許慨此昭代琴

山桃開既繁園杏萼且破蜂蝶空往還一映風燈過我欲采  
芳馨夜雨忽紛墮所思隔遠道問訊愁無奈江南一枝梅歸  
計礙寒餓不成蠟屐遊翻然擁衾卧

城中人不來墻上月已出清光逼酒面慰我意蕭瑟我面雖  
暫釐我愁苦方苗精銷難自壯形困反疑拙陳篋固無成持  
籌卒何術負玷日以多華年去如失畝宮思故園掃軌庶藏  
密果此定何時青燈耿虛室

春雨和韻

葆沖書屋集卷四

七

堤柳濛濛欲罨烟雨絲寒逼暮春天渥施與物通生氣幽點  
娛人度小年遠陌泥犁深幾墮早朝油幘散千員東皇不負  
清塵手濕到三盤紫翠邊

時將幸盤山聖駕

送馮星實鴻臚乞養旋里

孝治光明極盛朝近臣封事下

重霄永懷堂上頭雙白無恙城南柳萬條摒擋先時舟楫具  
温存連夕豆觴招一帆春水如天濶宦海何心問汝潮

樞廷行省壯猷俱塞馬無嫌得失紆三見文星公望協再升

卿月

主恩殊盛年豈定名山業深谷難忘大厦須

繡座微聞動咨惜此才未合老尊鱸

倚著天涯戚誼殷棟花風裏悵離羣有緣合住還鄉水無定

終憐出岫雲貧士石田空晚歲故家喬木幾斜曛從容若許  
山貴乞咫尺江波信誓聞

池上看荷花作歌

前年種花花始盛雲錦周遭一千柄當杯有客才且狂擁鼻  
先成洛生詠同時落紙盡如飛驟雨翻盆爲花慶去年花好  
客不來諸公興劇喧尊疊今年花開不如舊豈料看花客來  
又花衰花盛年復年客何爲者心怛然重呼舊侶對花坐雜  
進肴饍兼果蓏半酣酌花以白墮嘆汝離披不成朶晚烟搖  
空白月微魚戲不動蟬吟稀仙之人兮五銖衣隨風歛唾珠  
玉霏珊瑚其來是耶非謂客且莫紛嘲譏前年對客容色好  
太液恩光日初曉去年風雨客何之斷梗殘萍共潦倒魏公  
老去娥媚減屈子憂來憔悴早客知人壽當幾何花壽况無

葆沖書屋集卷四

八

人壽多青春白日有新故安保金石同不磨王喬計會太早  
計不如一舉金叵羅罡風吹夢華峯頂酒星炯炯懸秋河照  
見岿巖花十丈徑過沉瀣翻金波潤我人間渴喉吻洗我看  
花黑髮無時皤回頭笑問花則那花時亦入醉鄉去明年再  
會朱顏酖

長夏園居雜興

一雨西郊暑信深掩關何計滌煩襟朋蹤海鳥無猜忌地氣  
河魚減滯淫朝爽乍宜揮翰手晚涼彌動惜花心翛然杖履  
生涯足辛苦稽山鍛柳陰

舊日園亭上相家百年羅綺變塵沙到天喬木思恩澤卧地  
勞薪覺歲華刺寄愁端向風月平消福分是茶瓜倚樓別起  
蒼茫感不獨吾生會有涯

壯夫雕篆亦何名，腕脫昏昏判此生。後世誰能知敬禮，早年只是羨蘭成。池塘落拓春風草，墻角飄蕭夜雨檠。不怕霜痕上新髻，又來擁被賦秋聲。

進城出城車轍長，入直散直几席涼。僮奴日給笑蛙廩，戶牖各出成蜂房。五千卷書未可老，七百石秫無時償。東岡月影弄清夜，我夢已落飛仙鄉。

皇十一子成親王自熱河寄示和劉石菴尙書題畫馬之作卽次原韻

紛紛仗下惣凡材，骨立空槽肯自媒。落日無邊壯心盡，低徊却入畫圖來。

積雪全消塞草長，噴嘶一一氣雄張。似聞柳外奚官語，前月王師克鬼章。

葆冲書屋集卷四

九

蘭臺聽鼓笑詞曹，馬鈍如蛙興不豪。有分千金致神駿，徑隨飢隼下秋臯。

槩礪精神抵運籌，風煙無迹起驪騮。色飛松雪高齋裏，讀畫詩成暑雨收。

謹次 皇十一子題太僕陳句山先生遺集後原韻

含毫三嘆渺何因，仿佛龍樓坐接茵。一日未忘師友分，半生虛現宰官身。定文辛苦秋窻雨，感舊蒼茫月榭塵。神理青山如可作，祇應合掌向天人。

中元夜放河燈歌

葭塘露白水氣濃，圓月欲出微雲封。是夜月食繁星一杯自天落，散彩忽訝波騰紅。誰家煞費焚膏力，傳是瑜珈大功德。一燈徐引萬燈隨，立地光明蕩昏黑。我聞法王無盡智慧超寶炬。

自徹閭浮宵續薪敲石雨無取九幽苦惱春冰消幻形却借  
人間世一點心燈示真諦兒女蘭盆沸哭歌魚龍孽海驅陰  
沴水風颼颼燭淚寒夜涼螺唄聲辛酸禮魂有客補駭製山  
鬼側瞰荷衣單吁嗟乎鐵圍萬仞何嶙峋慈光炯炯通迷津  
野井荒墳無餒鬼銀花火樹春臺民

題查初白先生康熙乙酉日記後

玉府朝繡未見書銀盤夕飽大官廚朝回忽夢遊仙去身是  
煙波老釣徒

香案親承笑語溫便傳麻紙下

丹闈

昇平晝日無機速只用書生管北門

和門羽獵驟千軍倚馬篇成奏

葆冲書屋集卷四

十

御勤我亦前年隨豹尾慚無一字擬卿雲

措大寧愁塞屋多餐錢料檢亦

恩波清談苦學王夷甫却奈長安米貴何

題 皇十一子詒晉齋臨絳帖後

尺五

仙莊夏清餘渺然心畫見皇初真成曠世卿書感勝對前朝  
祖石儲換取神丹原在骨鬻殘退筆總如魚重摹欲竭單微  
力井角階陰計未疎

贖錦裘成近十年較量波磔付羣賢矜憐俗學無師甚斂抑  
文名未進前北宋四家誰踵企蘭亭五字亦言詮藏真實賴  
傳真手不獨金龜翰墨緣

煤黑子

京師使煤如使柴家家戶戶煤爐開車裝駝載入城市販  
者誰煤黑子煤黑子煤窯居朝朝入山采煤去面目黧黑形  
骸劬去年鑿山山骨枯今年買山山脈腴生煤連筐大於襍  
熟煤脫槩如磚鋪染緇未擬溷塗炭守黑頗勝量金珠君不  
見長安少年文采都紛紛傅粉鬢鬚白面自詡書生徒囊  
中一錢溷欲無躑躅歧路胡爲乎

花兒匠

紅塵多少看花客說到栽花苦無策匠人家世住豐臺能使  
花紅復能白紅紅白白千萬叢巧奪造化回天工擔向朱門  
索高價歸來蓬戶猶春風朱門看花朝復暮看取花新忘花  
故殘枝剩蕊飽霜露罌盎墻陰不知數擗之使活接使附盡  
是匠人衣食具吁嗟乎匠心日巧花日新花朵自新根自陳

葆冲書屋集卷四

士

賺盡世上看花人君不見蓬戶忽富朱門貧

搖鈴卒

朔風饕朔雪零斜街月黑星冥冥龍鍾一卒夜深出以手擊  
柝尻搖鈴鈴聲不止柝不停旅人殘夢瞿然醒循環恰是五  
更轉又聞傳唱來官廳問卒爾何能水晶多年成老水問卒  
爾何樂來歲淘渠大張橐世間苦樂無定局食力得錢隨地  
足我自南人憶南俗寒天臘月光景促深巷家家叫火燭更  
籬去後錫籬來兒童開門手鞞塚

縫窮婦

啼孩在背筐在手敝袴無襦滿街走筐中何有有針黹我亦  
貧家好眉首爲他作嫁且緣慳雙甕風埃得餬口長安倦客  
緇塵厚衣裳綻裂衾單垢百錢爲爾勒抖擻暫作閨中紉針

婦嗚呼彼婦自有夫強顏乃爾甘人奴嗚呼客亦自有婦黃  
金蹴擲往往如秋胡我歌縫窮箴薄俗要棘毋忘好人服

漢西嶽華山廟碑詩爲侍講陳伯恭前輩作

關中漢業隆本根豫鎮首承秩祀尊中興河洛尙柴望舊儀  
不改建武元延熹上溯百年耳文字半蝕莓苔昏誰與主者

閱廢墜汝南系司徒袁碑中洪農太守袁逢卽司徒安之曾孫見洪氏隸釋察書市

石備矜慎鴻都一字開岷源中郎體勢埒斯喜季海述古非

空言由來神物罕傳播歐趙幾輩資評論折腰令長強解事

碎椎肩鼉填堦垠人間翠墨遂絕迹一本貴抵千瓊璠我思

東京已衰季報功典禮猶虔遵原本經術飾吏治立言垂後

期勿諉靈臺孔廟考題識年號往往桓靈存光和嶽祀繼修

舉五侯裔孫元舅樊隸釋又載靈帝光和二年太守樊毅修華山亭華山廟及乞復華下口租三碑

葆冲書屋集卷四

七

其稱樊曰有漢元舅五侯之裔蓋亭復算暨祠祀三碑鼎立陵厚坤玉女窻

扉一翹首光芒萬丈空騰軒番禺以後著錄少誰拓赫蹠連

數番年深此搗獨完好呵護宛沐靈祇恩得非書法感真宰

賞首不歿焦桐燔西陂購自撫吳日孟津跋尾簡不煩郭髯

舊本太殘缺詎敢齊行稱弟昆君於西陂共桑梓嗜古亦復

忘養殮無心一旦楚弓得現寶夜燭金精垣詩材我愧逖馮

景邵長蘅組織時事工瀾翻流傳聊與誌始末嶽翠紙上森

可捫蟠胸奇氣頓突兀五千仞夢狃天門

東豆腐得凍字

貧居食料慳肯蓄菹壓甕羹湯或非宜啜菽且從衆西風賣  
漿肆曉起玉樓凍衣褪輒出膚泔凝滑收鍾鍊形骨斯堅咬  
氣窾皆洞曇僧蠟面枯國手針眼痛碎連水塊截冷謝布巾

幪投之水百沸豁若起寒中  
非花浮輕清如玉受刷萼剛柔  
便茹吐鹹淡互調弄製傳西苑  
佳脆潔雜霜松筠籃挈園丁  
情厚菜把送年年煨芋爐鼎食  
補其空一飽吾何貪物微具  
嘲諷嗟彼釜中泣豈足天厨貢  
所恃磨涅姿胚胎敵陰霽雖  
然遭沕蝕鐵石矢魂夢儒酸竊  
太倉陳因相伯仲身隨紆干  
雀啜瘁得誰控神奇化無日  
隘甚窮途慟欷枕盍遊仙瓊筵  
脯鸞鳳

陶然亭餞王述菴師歸青浦

甲寅

高亭敞遐覽平野遠俗氛渺然  
江湖思復此鸞鶴羣亦知聚  
首樂未若離懷殷夫子昨還朝  
眷眷懷榆枌留身偶得請竟  
作歸山雲籃輿寄僧院面爲看  
花醺載酒二三子商量冰雪  
文考古湖秦漢探蹟窮邱墳曰  
歸未云遽節物春將分出遊

葆冲書屋集卷四

三

偶竈窳倒載期山君往來走壺  
榼先後參屐褰談諧欲忘晏  
崇情良獨勤明朝挂帆去天水  
光沄沄此會足可惜纒縵留  
斜曛

贈王秋塋明府

三年梁苑隔知聞燕市收燈忽  
見君宦跡邇迴太行道詩篇  
精彩朔方軍新姻對面難忘酒  
謂屠笏  
岩刺史死友關心獨定文  
議  
刻

西澗勇  
氏遺集

小住休教行色遽六街花事又三分

秋塋與屠笏岩刺史締姻

雲外飛鳥各化身燕臺春酒故  
留人新聲小雅思求友古誼  
周官重睦婣五嶽何時付禽向  
一村還擬繪朱陳  
時有羅山  
人兩峯繪

圖紀

牽連倘作平原往我亦鷄裘不諱貧

趙味辛舍人藤花歌

我寓斜街槐市偏竹垞舊此移爨煙編年厯厯考詩目家且  
已復經三遷孤蹤始傍禁垣住中間再徙乃在海波寺畔藤  
花邊我思前賢遺愛愛斯傳槐樹無若藤花妍槐陰門巷寂  
烏有藤花老屋猶依然蘭陵舍人才調翩倚樓吟成絕可憐  
偶然八口須三椽身與古藤如有緣竹垞風流嗟往矣倘亦  
詩魂不死來游仙君不見庾信江關宋玉宅誅茅異代相後  
先曝書遺集藏名山笛漁頰鼓孤桐絃他時許我辱酬唱樓  
鞵桐帽與爾長周旋

莎衫桐帽海樓鞵竹垞自古  
藤書屋移居槐市斜街句也

### 皇十一子屬賦盆中古梅

鬱鬱豐城鉞庚庚嶧陽幹亮無悅已容棄置成永歎西山古  
梅樹老作溝中斷春至不復花榛蕪共零亂摧燒偶未盡却  
入蕭齋玩頗聞移植初僵立類朽炭數如草堂松萎折已過

### 葆沖書屋集卷四

古

半微陽得沈潛皓雪厄昏旦無花忽生葉生死氣偷換得花  
亦偶然儕伍羞絳灌遭逢雖寸心風骨猶傲岸今日良宴會  
百卉趁華爛樽酒旨且多琴書美無畔出自避風臺登之青  
玉案要令山澤材輪困見體段座隅有賤子瓠落復樗散辱  
此憐澹知猥以涼薄惋譬彼泥塗質從容被熏盥江南一枝  
春鄉思徒汗漫攀弄不能已眷言托柔翰

### 趙忠毅公鐵如意歌

茄花委鬼朝權裂有客悲歌唾壺缺幾年血淚雁門秋染到  
沈沈一鉤鐵鐵花苔蝕鐵質枯百折不回如壯夫豸冠想像  
指揮日要使凶黨成窮逋不然遠戍情懷惡歌舞身同漏舟  
托以歌以舞公自三尺寒於歐冶鋒六州鑄出羅家錯萬死  
投荒竟不歸犀杯無翼化鳩飛

公嘗以犀杯贈陳方  
伯某見公自作詩注

天留勁

骨錚錚在親見銅駝國事非元黃倣擾羣心競計典翻然怨  
其正剩許西臺擊竹人忠魂異代同生敬小篆銀絲刻畫深  
高齋位置壓璆琳却憐下士將穿硯亦識純臣不劇心廉而不劇  
亦銘  
辭語

鐵笛詩

高遷亭邊賞音絕緩臂玲瓏枯且折何人冶鍛作奇譎一片  
元雲凍虬結洞仙入破吹不裂西夏狂生掉簧舌夜嘯山林  
走羣孽江東好事傳老鐵三弄垂虹怒潮喇千年遺製無人  
說時平未用思豪傑且向江湖伴畸節南風五月稻畦熟甕  
蠍踣跚村現拙一聲犢背寒驚瞥會逐神龍起湫穴豐隆撼  
山雨如決看爾高飛莫能掣

澄懷園續荷花詩

葆沖書屋集卷四

五

逝波流盡好年華病起維摩懶住家拚得沙禽偷眼笑絮衣  
瓊帽看荷花  
屋撼潮聲枕撼雷心憐弱植付崩摧一宵容易風波定再見  
亭亭獨立來

和遍陶公止酒吟名花渴吻對何禁低徊半頃如油碧猶是  
廉頗用趙心

前年葉甚去年稀今歲花無昨歲肥何似掃空香色界咒伊  
都化彩雲飛

端相最好卽離中踏浪蠻奴也自工拗取折枝城裏去惹他  
嬌女索蓮蓬

萬柳堂空積潦明當時花好似蓉城獨憐東閣數各地只記  
歌筵驟雨聲

玉竦橋南壘裂泥焦烟萬柄委長堤昨宵猛聽翻盆雨却在  
西郊更向西

行宮金碧古蓮池一夏跣趺學講師也識因緣彈指幻闌紅  
開處冷思維

春坊二妙各聲名

謂程蘭翹  
錢湘船

不待花開擁傳行輸與花間常

住客露莖看變作霜莖

天孫雲錦最清奇  
芰製芙蓉裳只自怡收拾人間閒筆硯不逢  
花侯莫題詩

古寺

荒林過午不聞鐘行近山門落葉封壞壁青紅無住相虛堂  
香火昧遙宗客稀大類投齋鴿僧老猶談聽法龍烟雨南朝  
幾塵劫只應墻角問長松

葆沖書屋集卷四

六

古驛

卅里羸驂望眼孤依然架格在衝衢淋鈴漫有三郎恨籌筆  
終憐八陣圖月黑空廳嘶病馬年深卧榻竄妖狐停車欲續  
孫樵記興廢人間百感俱

古戍

犄角專城一旅分防秋會此論邊勳征夫駐馬思鄉月老卒  
登樓識陣雲終古束薪流舊怨無人細柳述遺聞蒼涼尙有  
沈沙戟留付耕童換薄醺

古渡

滔滔是處少停瀾草沒枯槎上廢灘想像千軍編筏過低徊  
一客數囊看柳條別思春波永桃葉風流暮雨寒不得漁舟  
到前漢人間行路只應難

古道

斷隧崩湍西復東茫茫獨往竟安窮  
便生馬角休無日儘敝貂裘  
向此中看換勞薪經幾劫  
偷移官柳又成叢太行辛苦  
長安樂損到朱顏嘆息同

古廨

老屋三間似置郵庭陰幾輩去  
思留名花未免辜潘令故吏  
猶聞禮鄮侯鼓吹無聲蛙轉  
怒倉敖不閉鼠長啾消磨最  
有黃綾被眨眼南柯一夢遊

古祠

風旗雨瓦日飄零尙說朝真袖  
履馨仿佛侯王存位號尋常  
魑魅竊威靈社錢歉歲多新  
負牲血荒碑有舊腥村市人  
歸杯琰寂老巫篝火自空庭

古墓

葆冲書屋集卷四

七

佳氣當年閉九原白楊風雨易  
黃昏辟邪猶卧啞羊虎澆土  
閒逢賢子孫牧豎樵翁幾登  
降玉魚金盃太煩冤獨憐鉅  
筆諛神道不放千縑一字存

葆沖書屋外集卷一

南

秀水 汪如洋 潤民

古今體詩八十六首

元宵 癸卯

乍撤辛盤餅餌豐柑筵吹緊上燈風勻圓樣借牢丸得細膩  
香分角黍同韓彈輕拈春試買何湯淺注汗應融團樂共鬥  
新詞筆若箇搓酥滴粉工

蝶拍

幾隊翩翩粉翅交芳筵點拍定誰教春衣舞罷宜輕按午夢  
催回莫誤敲應節還隨飛燕疾調簧更助早鶯咬花間若許  
論詞派鐵板紅牙肯共嘲

榆羹

葆沖書屋外集卷一

一

山廚數味淡彌鮮萬選青翠釜煎淅玉好供枵腹富買春  
不到典衣憐冷淘槐葉微吟似碧澗芹香入饌先曉摘烟條  
樓外白殘星弄影近鞦韆

竹馬

太平巷陌鼓聲春幾隊兒童竹馬新駛影如驚雙耳峻虛心  
誰辨九方真土牛文繡功無讓芻狗泥塗跡又陳莫道枯枝  
欠神駿葛陂龍擲更何人

影戲

剪裁端不露筋骸一瞬神光費輓推月下金針原暗度帳中  
玉佩宛遲來烟雲滿紙空談行歌笑當場隔膜猜火樹燈棚  
看次第偃師餘技到重儻

杏酪

落杵瓊酥妙製，譜摘從仙窟。記仁含玉樓，夜月凝霜重。雁槍春風賜醴，甘冷壓官厨。漿漉蔗香分，貢橐乳流柑。一甌喚賣春帘近，冰齒端應解薄酣。

養鶴

枯肆何年索寥空，得路飛琴高仙駕。杳丁令昔遊非，臭腐神奇出天淵。契會微秋風，鄉思觸騎爾。廣陵歸。

白蓮禁體

秋容如水照方池，月曉風清欲墮時。世外妝梳菱女妬，空中香色荷魚知。真成淨域層臺現，但覺輕橈一鏡移。漫戀碧筒河朔醉，遠公揮塵有前期。

慈因寺方丈小集分韻蕉扇

剪綠居然月樣描，輕於白羽薄於綃。雞窻倦握臨書暇，鹿苑

葆冲書屋外集卷一

二

微揮引夢遙，雪意滿襟圖黯淡。雨聲連夕聽飄蕭，何如小坐紗窰碧，舒卷濃陰自在搖。

玉簪

筠簾暑意漸闌珊，瘦影平遮薛徑寬。點髻新霜增綽約，墮懷孤月奈清寒。抽來瓶膽蟲心碎，卸向籬腰蝶夢殘。一種秋情自瀟灑，晚香休認玉芽攢。

月餅

師傳巧製象團圓，拜罷嫦娥說夜闌。馥瓊英霏玉杵補天水彩，煥銀盤霞痕預想綾添。裏鏡影端宜字映，看節物秋光圓幾度。綵貓糕綴菊萸寒。

環溪別墅秋泛集赤壁賦字

鶴侶幽棲處，蒼茫絕壑孤。將車披岸葦，掛客下巢烏。挾我凌

波去何人倚棹須黃州盤薄與悟得此遊無  
泝水霜鱗出邀空露翅明蔽來巖洞窈窕以谷風清匏葉泛  
如寄樵歌答有聲東臯臨渚斷秋草白縱橫  
更與憑高望虛堂踞一川登臨懷昔者衣履亦飄然浩歎悲  
秋士寥音落葉天洗杯留小坐吾羨飲中仙  
屬在蘭言托開襟渺不窮漁舟江上夢松石羽人宮逝矣時  
會幾歸兮樂未終放艫終夜寂少待月輪空

重九日花間堂小集分賦限用滕王閣序中字

帝里秋光勝故鄉亭廬風雨幾重陽心驚晚雁層霄迴人帶  
崇蘭一室芳得意高冠休落孟當筵偉筆敢齊王畫簾爽氣  
披無盡并作庭華滿地黃

長空霽色老今年澗潦汀洲起暮烟物序千家猶望澤陰懷

葆冲書屋外集卷一

三

四座儼凌仙舞霜孤鶴登臺興過檻寒雲餞桂天幸遇西園  
賓客暇清樽何惜引如泉

詠笛膜

妥貼秋雲剪玲瓏夜月吹輕黏蟬翅薄細逼蚓腔遲塞曲蘆  
新卷湘紋竹爛堆金鏡休刮取此意落梅知

重過積水潭用尖又韻

紺袂娉婷綺袂纖重來未卸曉妝嚴精蘆氣味黍蔬筍陋巷  
生涯擯米鹽乍換新秋衣稱體頗宜細雨笠遮檐阿師兩受  
無詩罰借與層臺湧舌尖

杜陵佳詠護巢鴉又駐東橋竹下車此度纔過初度日十分  
都放九分花鴟如解事寬盛酒鷗已忘機當住家補作泛舟  
圖更好柳陰陰處一篙叉

坐雨疊前韻

無聲初散藕絲織漸入銅階晝漏嚴水挽天河方洗甲波熬  
人海欲成鹽會心濠濮魚排網快意匡廬瀑注簷夢去烟波  
南蕩白菱腰澗配蟹臍尖

片段愁雲黑聚鴉宵深猶殷阿香車韻成促織慵賡句淚濕  
牽牛悄墜花短燭烏篷聽似昨秋風茅屋嘆誰家明朝起把  
西山翠一幅營邱掛玉叉

七夕再疊前韻

盼到鸞彎月于纖天公禁約太教嚴蹤成烏巷尋巢燕恨積  
長門灑地鹽頗有依人螢近砌應無報喜鵲喧簷長安萬戶  
嬌兒女多少鍼痕透指尖

想像凌波鞞濕鴉青鸞幾隊擁仙車別離明日漫空兩信誓

葆冲書屋外集卷一

四

他生過眼花小扇銀屏涼得句清輝玉臂夢誰家生涯只我  
多寒儉午院筠竿犢鼻叉

代牽牛贈織女三疊前韻

陶鈞天意築洪纖一水如何界畫巖物理君應感蛩蟠生涯  
我只涵魚鹽雨聲昨夜猶欹枕月影今宵怕落簷那識長年  
孤另意輕篔短笛角雙尖

昏燈占後復朝鴉天路艱於服軛車雲爛胸中猶剩錦露殘  
籬落不成花東南雀共悲貧吏十萬錢誰貸富家有日歸耕  
酬宿願白榆種遍影了义

代織女答四疊前韻

人世金針度已織馘除端合誦楞嚴修成歷劫菱磨角味刺  
回甘攬落鹽夢雨生來居斷峽掃晴長是望空檐此心未化

支機石那不雙螺鎮感尖  
紛憐靈鵲散隨鴉愁緒纒將可待車欲證蘭盆排日會枉栽  
優鉢暫時花塵緣肯破邯鄲枕畫裏難移葛鮑家上界魚書  
非易達瓜刀沈腹待君又

餐菊

小隱東籬世味逃朝飢薄采未嫌饕仙家餌比千年茯苓客  
題分九日饒淪配茶芽乾亦韻釀攪竹葉醉尤豪山厨菘韭  
添新伴飽和陶詩細讀騷

詠六出花

天上銖衣費剪裁陰消葭室瑄潛催薄寒信遞江鱗緊亂舞  
行隨宋鷁回掃處剛依欄半曲踏餘應想徑重開試烝燕雀  
停勻理錯莫孤山認舊栽

蘭花笥

乙巳

葆沖書屋外集卷一

五

小脫香紉寸截勻問名九畹茁芽新仙榼五葉咀成露貢茗  
雙旗焙及春空谷何人叅玉版清湘有淚托靈均櫻厨爲爾  
增鄉思不獨西風憶采蓴

瓶中芍藥疊西華園泛舟韻

丰姿濯出錦江濤胷影游絲著意纒十里豐臺移曉擔誰家  
南浦濕春袍詩魂縹緲浮青案風信闌珊過剪刀斗室偏留  
香未散廣陵騎鶴妬仙曹

消夏限韻

沈李浮瓜彼一時何人高會踵南皮碧甯風味邀歡伯芳草  
詩情倦客兒散合清涼原戲耳蹤辭襍穢亦宜之梅黃昨夜  
江鄉夢雨脚千林密似篩

廣厦朝朝靜趣諧  
去來檢點費門牌  
年光坐較花磚日  
火候歸添茗竈柴  
沒徑苔深多礙轍  
漲溪蒲老不成釵  
東華十里飛塵軟  
息影園亭幾輩皆

蒙莊物理悟逍遙  
未許閒愁急湧潮  
恩怨分明班女扇  
盈虧消息沈郎腰  
蟲窺夜靜工雷聚  
鳥識年豐喚餅焦  
過盡三庚秋思起  
商量月地譜瓊簫

彭六一先生以懷鄉詩十二首見示次韻

局縮春明餽一區  
壘鹽無計對妻孥  
多年蹤跡勞薪在  
少日生涯故紙俱  
已怕秋聲知髻改  
漸貪午睡覺身劬  
無端又作歸田想  
料理烟波入畫圖

小築依城號避喧  
喧城陰細路曲通阡  
栢棧世澤存堂構  
髻鬣光陰闕誦絃  
玉楮坊開金布地  
鴟夷祠近水浮天  
吳儂小有

葆冲書屋外集卷一

田田處記着紅衣上釣船

割得鄰家春水宅  
溪山真意坐來饒  
百年樹老都成幄  
千里魚肥漸長苗  
館闢潛真筠作徑  
榭通引勝木爲橋  
倦歸莫訝司農懶  
話到林泉物累超

紛披秋實共春華  
老有根株嫩有芽  
鴨脚鋪霜腴似杏  
貓頭苗雨脆於瓜  
娑羅大地明秋月  
石竹南天爛曉霞  
暇即編籬鋤菜圃  
晚菘早韭屬山家

荒洲放鶴空餘址  
小閣傾脂尚有河  
地勝由來名橋李  
年豐隨處產嘉禾  
放生花鴨春波滿  
學繡蠶鰕晚市多  
北蕩南湖風景足  
結茅何必考槃過

鄉鎮炊烟聚鬱葱  
近遊人在櫓聲中  
上山晚熟桑低價  
靠壁寒煨酒見功  
蟹斲行來疑過雨  
雀羅張處每占風  
停橈一問

秋成信社鼓村村報賽同

卅年興廢城南社，裘屐重新事亦宜。追暑瓜教蒲鵠買，消寒裘稱木棉披。湖樓續襖晴篙泛，院堦登高野榭移。想得迴溪老居士，醉懷落拓似東籬。

書樓裘紵太荒涼，轉徙真如傳舍忙。但使征帆歸皂驛，終思葬地指桐鄉。孤城蜩縮人蹤僻，老屋鱗排祖德長。寄語當時王謝燕，雙棲穩穩舊雕梁。

松楸寂寞孫曾拜，鴻雁飄零伯叔儔。千騎還鄉徒說夢，隻雞成奠易爲謀。憂先未雨常培土，力可躬耕更買牛。勉讀遺書勤守家，貧儒無計到持籌。

金風亭長吾州望，百首懷鄉妙孰倫。楊柳竹枝音節換，蛤蜊黃蜆土風陳。歸漁笛唱淒涼夢，故里梅魂黯淡春。約畧烟波餘韻在，綠簑青箬二元真。

葆冲書屋外集卷一

七

白頭錢老歲華增，幻寫林垞妙筆矜。

丹詔頻聞憂旱歉，青疇何計慰豐登。鄉心病鶴常延頸，宦跡游儵未脫簪。會遣巾車酬宿願，艱難休道角磨菱。

園荒無力薙蒿萊，客似閒鷗日日來。非郭非村仙境接，一花一木

聖恩培韓檠，夜雨毋傷葉。杜屋秋風未歎摧。

結句缺

次葉仙將軍看荷花原韻

斗室貪親枕簟涼，不知紅意鬧芳塘。傳聞雨後遨頭劇，吹墮風前句子香。踏遍村泥愁滑澆，讀殘簷溜尙丁當。今宵夢繞田田界，疑有烟中獨鶴翔。

綠萼梅

芳草無媒一逕尋，寒雲巧護碧深深。  
妝臨鈿砌香縈髻，綺散文窻韻入琴。  
長訝仙家迷定所，易教詞客感成陰。  
千株合作靈和柳，管領春風結素心。

擬薩天錫賦飛鳴宿食雁

毛羽虛憐歲月更，江南塞北總知名。  
天達自信能高舉，秋士何緣共不平。  
衛守兼通奴僕義，讓推如感弟兄情。  
微生一體分勞逸，肯向烏衣理舊盟。

刻燭限詩成

深堂樺燭鬥詩才，四座何煩鉢響催。  
夜漏無多同惜寸，心花欲綻肯成灰。  
平分舉子燒殘淚，巧續香烟斷後煤。  
能詩之士  
雨泡滅則  
得意香烟斷而成  
吟見雲仙雜記索遍枯腸愁見跋，火攻思效阿奴來。

送炭

葆沖書屋外集卷一

八

榾柮爐深欲殘，曲身真慰孟郊寒。  
薪憐病客憂方亟，粟比仁人受亦安。  
壯志都從灰後轉，恒情始信雪中難。  
朱門麟鳳新來貴，苦節端應憶伐檀。

釀酒

中聖頻年厭啜糟，釀方新試臘前槽。  
香知晚秫登場富，珍比寒菹壓甕牢。  
雪椀烹茶勲共策，春燈說餅興先豪。  
東鄰欲借魚頭鹿，歲晏襟期可憶陶。

呈十一子見示早春園居詩次韻

丙午

春色來何際，郊原次第尋。  
暖塵飛夾道，殘雪卷平林。  
門徑芟鋤出，簾帷位置深。  
茗爐閒炙硯，猶是歲寒心。  
曉隊魚魚入，歸巢燕燕如。  
懷新觀萬象，守靜見皇初。  
花事謝料理，酒功資破除。  
由來居化國，各有寸陰餘。

筆力天人健消寒續舊詩茫茫來古意得得感芳時風雅雙  
南重精神四極馳應劉才地薄低首拜陳思

蹕路農功始春犁亟輓推風觀唐叔舊雨盼社公來  
帝力周毫末書生戀紙堆西園好賡唱明日遍燕臺

清明日花間堂席上觀雜技分體得五古

春城無火禁良會趁休沐朝來食單移客至咄嗟速芳辰曷  
云遣故事夢華錄秋千索胷空白打錢塞屋例如百戲陳悅  
耳亦娛目其聲異箏琶厥狀類此箴暗鳴雜奏缶仇浪近燕  
筑優孟肖以神侏儒飽惟腹俄焉衆喧起側聽四座肅巧言  
鸚哥忙惡詈鳩婦逐嘲諧宛閭井瑣碎到麥菽初疑來無蹤  
孔壁出絲竹戛然忽中止琵琶音杳空谷乃悟適來幻事等黃  
梁熟別有身手強趨捷邁蹴踘教坊舞杯盤傳自漢唐夙茲  
猶得遺意世業妙詒穀高如掌承露側若珠瀉斛能令一甌  
完不效欬器覆擲繩或吞刀餘者待更僕當筵試評量俚語  
不嫌黷

葆冲書屋外集卷一

九

熙朝崇雅音鄭衛在黜伏新腔屏絃索美服戒羅縠比頑懲  
殷愆庶俾風教淑此曹亦游閑尙憫非彼族喉無車子圓面  
作蒙俱恧乞食擬吹簫隨身祇竿木但能效脇諂未敢壞淳  
樸時豐街巷饒點綴太平福軒渠聊爾爾境過疾飛鏃餘酣  
鼓詩勇斜照已西麓枯腸怯窮搜且噉桃花粥

上已集詩牌

蘭塘密雨宵寒薄病酒良晨春睡著間闌曲榭憐鳥聲破閒  
得句聊性情獨往消搖蹤若鷺頰紅幸未看成霧玉河野景  
眺澄鮮繫艇且約清明前

摺疊扇

卷舒一握取攜禁疊就涼波暑不侵名士東南材竹箭翰林  
書畫筆泥金動搖鱗燧參差佩擺落羅紈旖旎心瘦骨稜稜  
定何似長門昨夜感秋深

六月廿五日過萬壽寺晚飯

濃陰掃不開蝸蝻沸無已游蹤隴蜀貪興到聊爾耳城西萬  
壽寺閉戶如深山寺僧妙結構石徑松爲關園蔬擷充饌野  
茗烹當酒自言淨業淨太素空諸有吏部已甕醉太常非齋  
期何以寫清虛素紙拂拭之畫聖必通禪五葉一花放意行  
空山中神在邃古上僧謂竹陰靜客愁花雨紛試思沾泥絮  
何似還山雲雲容隔山頭雨意杳天外催詩亦催歸此境巧  
難繪葉仙抱仙骨長吉青蓮兼張籍韓門英險語毫鋒銛我  
葆冲書屋外集卷一  
十

移竹

十日西郊雨未乾新移一碧護窻寒秋林鶴夢如偕阮夜笛  
龍吟頗憶桓風味敲棋對紅友年華解帶問蒼官主人妙句  
工留客又喚清厨洗玉盤

噴壺

小試化工手壺天尺澤寬出房蓮漏緩縈窳藕絲殘密灑如  
沙簸頻攜及露乾澆書宜續課餅磬笑儒酸

閏七月十五日集花間堂

香厨曉約太常齋壺榼重移菜有鮭此夜常年明月色來朝  
獨客暮雲懷酒邊興比螯持畢天末秋催橘過淮遲我消寒

歸炙硯懶殘爐畔共燃黶

雪漁

黯黯層陰壓釣艘  
柳州詩意入空江  
風斜雨細寒尤甚  
鳥影人蹤靜不厖  
夜火如星初近見  
晨冰破鯉或能雙  
蘆中頗憶秋花白  
一笛孤衾自按腔

雪讀

清郊不作蹇驢遊  
金石聲出戶幽  
豈有仁人能贈炭  
劇思好友爲移舟  
飢盤寂寞江南果  
發篋傍俚季子裘  
莫訝紙窗明似月  
聖賢心事照千秋

舌蓮

丁未

退筆長庚昨夢醒  
層臺如湧舌端青  
根分玉井心源湛  
香借華池露液零  
錦繡人間才不偶  
中邊佛法幻無形  
力耕三寸

葆冲書屋外集卷一

十一

嗟何補火宅清涼試乞靈

胸竹

湖州墨獻妙縱橫  
千畝胸中結構成  
故紙烟雲隨迹化  
春雷肝膽一時驚  
平安自養心田福  
芒角如藏武庫兵  
汗簡名山誰讀破  
剷除枝葉是菁英

夢草

烟蕪一碧夢回春  
同氣天涯句有神  
絡觸文無蹤跡遠  
芳開鄂不性靈真  
芝蘭近砌非凡種  
風雨他生悟夙因  
慚愧江郎傳綵筆  
只知南浦送離人

心蘭

妙養靈臺一寸根  
偶教入室契清言  
情田薙後無蕭艾  
騷客窮來喻菖蓀  
吉畀從天非夢幻  
芳流竟體亦春溫  
氤氳不獨

闕吹氣意蕊能消筆墨痕

擬詠五色詩五首示諸生

青

高天雲霧撥初開芥拾休同紫貴猜罽入東君無俗眼殺成  
汗簡豈凡才美人玉案何心報仙鳥瑤池有日來聲價他年  
關瑣闥子衿城闕慎栽培

黃

邯鄲梁熟感年華十日眉間喜氣加飽羨農人無菜色忙憐  
舉子又槐花曇修對面枯成蠟姪術還丹嫩有芽玉瓚芳流  
憑挹注挑燈待草

禁中麻

赤

葆沖書屋外集卷一

七

天台城郭暮霞濃綠字成文玉檢封漢幟奇勲爭壁壘周刀  
寶氣壓鐘鏞推心

盛事方投棗辟穀仙遊敢問松入水元珠非易得琴高鯉背  
願相從

白

郢雪陰成漫品題吉祥虛室自天倪才華地上明光錦寤寐  
詩中有玷圭頭變秦烏嗟已幻眼空遼豕識終迷不淄我輩  
存昭質受采須教物性齊

黑

五千道德守非癡攬髯何須相業期閱歷貂裘蘇季篋消磨  
繭紙右軍池甜鄉欲笑浮生絆漆幃誰從理境披慚愧客卿  
如子墨東西黔突幾番移

梅花限韻

巡簷水柱幾會敲破臘春風是漆膠孤起前身明月笛冶魂  
他日海棠巢心枯老衲慵拈塵歲晏窮儒感繫匏莫訝廣平  
工賦手鐵腸底凝笑如包

次主試張芥舟農部試院書懷原韻

戊申

霓裳佳詠發天香才弱嗟余臂似螭自笑顏唐聊酒座何心

跋扈尙文場兩開花好初逢社

明秋又值鄉舉

一顧羣空已羨陽顏

憶騎驢京兆客西風席帽捲塵黃

含弟姪輩方應京兆試計此時應揭曉矣

舊俗茲邦半棘人化行如雨澤如春道深廉讓聞江表思曼  
風儀壓殿臣術妙鍾鎔金在冶形窮毫髮鑑無塵卽看紙價

雞林貴此事文章信有神

邊域耕桑

葆冲書屋外集卷一

三

聖化安冬春了不異暄寒玉腰蒼嶺晴飛雪石甲昆池夜湧  
瀾白雉蠻珍新奉進碧雞靈跡未銷殘藥籠此去多嘉蓄轉  
瞬成陰秀可餐

乍過重陽戲馬遊鯉魚風信漸颼颼一帆勝序滕王閣萬里  
如封博望侯別緒秋歸憐馬首

溫顏畫接想螭頭韞材顧我何多幸並載連朝李郭舟

九日古愚中丞招飲海山閣次芥舟農部韻

持螯詎解學鯛陽小插茱萸感異鄉乍喜賓筵開栢府况教  
仙侶對薇郎霄梯夜迴明星晷海國秋豐早稻香此樂細商  
靈在酒頰中六一未顏蒼

文戰初看罷觸蟹天邊使節送將還雙清幸與麇同調一覽  
端應小衆山畧似雨雲睽閣望平分書畫米家問添衣陡覺

罡風緊好護西窗燭淚斑

談深茶鼎寂瓶笙燈火分明見滿城景物黃岡竹樓記風流  
赤壁洞簫聲屏端菊影猜元亮句裏蘭心喻屈平中丞以舊賦同心蘭

疊韻詩

吐嶺底煩纖月照朗然吾已玉山行

薄醉吟懷擁被池譙門歸數柝聲遲較量戲馬臺高否彷彿  
鈞天夢聽之消渴難醫常畏酒催租無客例成詩雅音若許  
諧笙磬李杜光芒定陸離

題黃東村別駕小照

氏望推雙井循聲繼潁川芳鄰依射雉瘴土逐飛鳶叱馭才  
兼節鳴琴吏亦仙鬚眉塵不到丹粉繪何妍拜

命松雲始從戎柳雪前梯山輸饒速筏水問津便叩焚膏遵  
化萑蒲欲悔愆郊犁躬未載社鼠惡墉穿舊俗童驂迂官程

葆冲書屋外集卷一

古

弗草蠲常蘇狴獄困尤重兔冒賢緊郡需材亟蠻謳服教先  
錘鎔開地寶壘闢裕民天茂異書成最迴翔谷待遷偶然澄  
量挹更喜劇談聯古意瓊瑤贈秋聲翰墨緣魏公真斌媚麟  
閣盼他年

賀白儕臬使六十壽

壽世崇耆彥巖疆倚壯猷重申占錫

命先生以去年臘月復任迤南今年三月晉擢臬使

半子慶添籌鑑曲芳徽遠雲夢

浩氣收根分香祖韻

尊南章溪先生善畫墨蘭各重滇楚

名肇謫仙儔早歲銅

符縮南天篠騎留跼意寧避瘴佩犢已懲偷保俗通寶布贏

綱足貢璆風聲諧所部循績冠諸州會值蠻氛煽兼資武備

修平吳裴相出戟貝潞公謀轉饒需賢亟飛書待用尤樛囊

從屢叩班筆豈虛投痛快陳琳檄雍容叔子裘勢將臬頡利

恩許赦驩堯幄算甄勞最

綸言晉秩優九龍荒徼險五馬大邦侯地要監斯立才宏祿  
愈適遂令專節制永以靖遐陬豹霧深三里狐叢據一邱神  
君清似水頑庶狎如鷗偃草方宣化爭桑猥搆讎跡難安袖  
手患乃及同舟道合明夷晦衷忘正則憂劍鉞無久蝕筠節  
必層浮

帝鑒垂忠蓋茲方載輯柔重來原未暮汙可小爲休種落綬  
循遍藩籬控馭周茶征寬積累箐匪慎窮搜舊治全安堵新  
榮迅達郵薦章增黼黻牙燾燦蛟蚪美報誠何忝嘉遭更孰  
侔

皇圖恢玉斧絕域頌金甌館歇雕題伴關徠鑱耳酋裏蹄凌  
日轡馴象俯星旂奏納

葆冲書屋外集卷一

五

天顏霽招懷禮數稠職方催置驛使者例乘輜柳雪誼原隰  
松雲覲冕旒蕃情臚委曲邊計講綢繆柱石於斯寄笙簧不  
次袞薄侯切音見韻補露蕭零旣渥霜柏勁能秋共訝遷喬速彌思

戰栗酬圖扉空草塞縉局裕泉流棠舍仍依召蒲鞭益戴劉  
卅年傾視聽六詔遍歌謳在昔聯鑣者如公特達不清風范  
宰筵皎月庾公樓屬吏銘青眼邦人譽黑頭行符絳縣紀漫  
問赤松遊圭影初移陸台躔炯射眸吹葭灰動琯泛菊釀開  
筍鶴舞聆三疊仙蹤萃十洲朱轡工引鹿玉杖謝鑄鳩下走  
衣香接迫陪燕寢幽望高今斗岳器重古刀球習染消穿風  
剗裁妙解牛因知醇化感敢向俗情求鼎羨鴻篇峙調朱司馬屠刺  
君所作壽序史邵明府三君所作壽序毫慚藻思抽八干

嵩祝邇行福荷箕疇

葆沖書屋外集卷一

葆沖書屋外集卷一

夫

葆沖書屋外集卷二

秀水 汪如洋 潤民

古今體詩六十一首

竹粉

名園新籜解檀欒淡碧輕勺糝未乾玉立千尋歸潔白金銷  
六代笑單寒湘臯日暮鉛華謝漆簡年深蠹蝕殘欲乞仙家  
雲母法調成合付鳳皇餐

榆錢

清明雨過莢含烟連理鎔成萬箇圓粉社春嬉囊未竭柳蹊  
宵迴帶難穿屑羹儉歲知無價雨粟蒼穹不任權苔砌荷池  
休一例暗從改火惜流年

束鹿縣署喜晤同年李載園明府留飲話舊別後却

葆沖書屋外集卷二

一

寄

槐街聲價謫仙如劇邑牛刀小試初早識論交先肺腑豈因  
作吏廢琴書古香貝葉臨摹遍新製奚囊點竄餘更喜水心  
慰慈訓不教蘭膳有封魚

朝

天間道偶停鞍原隰周咨莫例看行近

王畿身萬里別來人海話多端馬芻奴飯分甘足繡段金瓊  
報贈難柳外塵高車又駛知君何處望長安

題黃石齋先生自書詩冊後

庚戌

出走灘江瘴雨昏遺篇如與論煩寃躬修詎以阨危恕偷誼  
尤於患難敦晚節憂唐福潞平生高尚孔顏原致身左券  
斯焉在不待成仁向白門

曹上舍言縉雪泉圖

高寒峩嶺六月雪灑落廬峰百尺泉俗子更難窮此境間身  
長是夢經年松扉草閣堅留客紅樹青山不論錢寄托生平  
竟如許可能輕挽潞河船

池上二首次 皇十一子韻

一水橋南北常時苧藻香微波如我戀小雨爲添涼親切鷗  
盟在低何笛思長因之撫嘉樹綠髮亦成蒼  
卽此開詩境何曾異水鄉名心難鏡澈達士有筌忘石老猶  
耽靜花寒益向陽誰能學瓜艇穩臥閱風霜

詠菊枕限五歌韻

懷袖幽香細碎投夕餐加後氣神和一番夢境遊仙似幾夜  
霜痕入鬢多病起簾前人太瘦醉眠籬下飲亡何靈均可

葆冲書屋外集卷二

二

清忘睡佩只秋蘭帶女蘿

葉獻二十韻

辛亥

圖形忠義繪初成角敵如談紙上兵憑弔千秋蘭有韻紛飛  
四座葉無聲百金買夜椿輪轉半盞燒春背摺平點用牙籌  
分較便張如團扇握尤輕路規生熟門先定罪判公私理必  
爭議犯每依前後斷發端要視短長衝冲還帶夾方爲旺色  
到封盆更可驚瑞應魯郊麟種現清音丹穴鳳雛鳴趣連躡  
背纖何甚百坐龍亭穩自行盛事風從復雲會佳辰地白亦  
天清花裁兜肚胸如錦金鑄香爐脚似鐺捲處窗前簾影倒  
拖來頂上佛珠瑩雙飛燕子尋巢夢三疊陽關送客情對坐  
公孫三世聚團圓夫婦百年盟散花天女真飄忽照鏡佳人  
費品評赤腳有時逢巧笑順風一路荷榮旌七擒丞相非無

計百勝將軍舊著名誘以虛聲原是實置之死地乃能生遍  
開三面塗寧狹深入孤軍勢易傾讀譜由來如讀律咄他勝  
負校楸枰

彭芸楣師六十壽

壬子

台垣朗曜接

楓宸福錫箕疇自近臣現宰官身大冢宰得春夏氣小陽春  
天然骨性成松桂海內聲華比鳳麟相業

綸扉正虛左粹顏何礙鬢如銀

西江靈秀藹雲蒸卅載螭坳橐筆升

帝謂文章兼政事今之燕許更歐會句排宣碣規千字調譜  
堯衢頌

八徵經進頌聞

葆冲書屋外集卷二

三

褒賚渥榮遭稽古得誰曾

入直含香出駕輶歲星臨處政常調趙衰冬日心乎愛明道  
春風意也消

國史秘書雙領局門生屬吏半同朝地行總是神仙境不借  
錢鏗世胄遙

輪困身是不材樗傲幸莊椿覆蔭餘尺五雲霄瞻黼黻三千  
甲子兆權輿堂前翟芾夫人服膝下熊輻刺史車積慶

新恩知未艾年年洗竿侍簪裾

題查映山先生學書圖

海寧書派祖香光詹事聲名老擅場此日蘭臺餘韻在范家  
傳硯墨痕香

卅年姻婭兼同譜先子交情翰墨知太息生平同此嗜一衫

如皂苦栽詩

匆匆鞞管賦皇華拋却書堂竹蔭斜好去襄陽虹月舫驛亭  
山寺早籠紗

飯糶謠爲梁春淙制府賦

霜松壓霧松貧兒備飯糶貧家貯飯能幾何一家飽煖千家  
共今年畿輔憂旱蝗發粟

天恩徧輿頌長官蒿日到三冬只盼來年牧人夢臘前一白  
俄飛送十日層陰尚凝凍宵來霧松忽成花樹樹銖衣着無  
縫非霜非雪亦非霧裁翦天公作奇弄我公救荒如救痛升  
斗窮簷力營綜天庥感召遽如此萬姓何殊嬰得漣腐儒僵  
眠苦寒中却掃都忘巷泥壅忽聞貧家覓糶歡喜聲絕倒婦  
姑爭一鬪忍饑且噉臘八粥得飽定過端午糗吁嗟乎使君  
葆冲書屋外集卷二 四

有甑自生塵貧家有糶能回春年豐飯熟酒亦賤還有墟頭  
臥糶人

分詠瓜果 癸丑

西瓜

舊隱青門少新年碧玉齊曉星明獨處秋雨熟連畦戰事豪  
宗尚歸期遠戍稽誰工花樣翦巧思屬深閨

藕

天上新成偶人間隱語何花身憐自在仙意渺凌波望礙一  
絲盡靈通百節多渾疑十五女玉臂借摩挲

菱

不競蓮舟唱浮根自遠汀雙頭原最好七日又愁零  
吳諺云 八日落後乃訛 爲七零八落 葉冒銀泥淺花盤寶鏡  
春秋風憶南蕩人坐

煮茶亭

夙

論斗珠光碎連盤露氣收剝應攘素腕嘗合煮新篳

東坡詩樓頭煮

酒初管芡刺密剛拊苕苞深訝坼榴上池香可嚙肺病豁初秋

食細嚼可益上池之津見羅願爾雅翼

桃

豈必綏山一瓊瑤報已難雪應知黍貴含莫誤罵殘菹熟梅  
同薦根靈李共蟠花時嫁之子又到暑風闌

棗

一樹倚牆東斜陽落陂紅蠻謳學竿打婦費例篋充獻或於  
瓜種生寧礙棘叢仙蹤談狡獪底似叱來工

詩牌得齊字

葆冲書屋外集卷二

五

刻竹詩材選編珠韻學稽樣規方寸小數配百名齊啟篋憑  
顛倒分盤待取攜盍簪來勝侶闌紙出新題肉貫才原捷蟲  
雕技肯低匀排衣接縫密界井通畦奕趣敲枰穩星文布算  
迷諧聲寬或借刺字巧仍擠什有笙亡憾雙難壁合俟萍逢  
聯幻跡葉掃露空蹊思絕真穿蟻功成儼抉驪填宮詞體變  
鬥角匠心締散騎霜侵鏡連波錦贈闈雲烟隨手是朱碧眩  
晴奚急就煩催鉢傳觀歎刮鏡何須玉樓客鞍背一囊齋

雜憶水鄉風物四首

水車

杉架茆棚水一涯車如流水水翻車厚箱滿欲浮蝌蚪轉轂  
喧能禁蝸蛙汲井轆盤較熟采桑梯小閣俱斜屋放斬想  
經時挂說到層水願總餘

魚榔

庚氏休誇策策功驚羣忽遣聚慘同繁聲舴舻空灘雨斷夢  
鷓鴣淺漢風哨鹿秋原邊事習州雞晚徑物情通滄浪一曲  
吾能譜赴拍爭如此調工

蟹斲

金風連夕緯簫成橫截中流一檻平倦客空舫愁雨颯老漁  
孤舍喜燈明上隨霜信魁先得排占湖租姓幾更禾中解品尤重馬斲  
益以姓著業爲最久大好浮家枕灘水夜涼落落起琴聲

菱缸

銀塘四面竹分攆種菱者縛繩於竹以爲界俗謂之菱攆竹坐較蓮舟轉側便論  
石量來寧比瓠吾鄉稱缸之大小皆以石計滿簾卸去不論錢壺跳仙客

蹤原幻罌渡兵家計亦權狎慣烟波生趣足拍浮還結酒中

葆冲書屋外集卷二

六

緣

銀槎聯句

甲寅

客到乘春醉屠紳杯行爍夜光製從元代擅吳錫麒欵認碧

山詳鑿落精鏤重孫星衍玲瓏巧斲良肖形疑博望張問陶

剝腹卽空桑雲漢天邊路錢清履神仙世外裝槎枒芒角出

如洋齋沸溢泉藏口窄同瓶守神胸寬漫勺量拍浮宜左手

錫麟飛渡或中央沈錫名先著星行巢袍器可方何年能貫

月問陶始作記躋堂虞揭交酬酢清履孫朱漸表彰流傳須

有數如洋聲價遂殊常不脛來燕市神從頭數魏塘蓮舟摹

太乙錫麟柳鍛學嵇康風露情懷劇星行江湖物色忙於今

幾兵燹問陶得此倍琳琅急灌醜融頂清履平澆墨溢腸卷

嫌蕉葉淺如洋矧比竹根強換骨金三品神通靈錦七寒味

如傾曉溼錫麒麟勢欲挽秋黃小謫憐星使星術相逢詫酒狂

未教隨羽化問陶耐且閱塵揚浩渺東溟漾清履淋漓北斗

漿佳辰遲曲水如洋捧劍更傳觴紳

賦得江入度山雲得山字

雲族工催雨江流倒吸山度來疎密影攬入有無間惹燄光  
難定依帆態轉閒輕隣塵拂鏡濕想霧離鬢似水初何競爲  
霖去未還魚鱗披見底巴字走隨灣噴色長空起詩情小閣  
嫺青疇方盼澤膚寸悅

宸顏

賦得四時爲柄得乾字

禮運時爲大天工聖所宣一中如握柄四德總根乾玉燭調  
元普璿樞作則先馭昭羣吏肅執喻兩端全泰華巡方徧義

葆冲書屋外集卷二

七

和命職專太阿持必慎北斗向寧偏在手嚴旁掣無形法左

旋齊民遵月令

建極仰微權

賦得木從繩得從字

納諫良臣喻程材匠氏庸攻堅繩乍引就正矩相從松棟天  
成質朱絲古直蹤所期符律度不憚審橫縱得力批根勇餘  
能削墨重玉瑕原待錯金粹必歸鎔板築經營舊鹽梅啟沃

恭

王言綸綉仰樗櫟轉包容

賦得不知棋局幾道得知字

淡泊神仙契冥情一局棋縱橫原有道界畫渺何知豈必推  
枰謝翻同覆吧疑心直遊碧落日肯注烏絲農畔如甘讓天

星任屢移西南風自急十九路誰歧橋隱憐多事砂成付後  
期儒流惜終日小技亦徒爲

賦得渭川千畝在胸中得中字

渭水篔簹富饒宮畫筆工貯原成竹石嗜更老饜同武庫羅  
胸似心田計畝豐烟雲歸吐納畦畛各消融蹠處憐蔬破吞  
來與芥空平安春人抱芒角酒爭功禪味參無外侯封拓此  
中癡腸多肉食雅諱愧坡翁

賦得聲在樹間得間字

宋王秋悲早歐公夜讀間有聲淒樹杪此境冷人間滿耳清  
商發經心綠蔭剛鶴巢無定在烏夢欲驚還碎月尋踪杳迴  
颺八罇頑敲殘非一葉遞徧已千山鐵戛如相和砧疎了不  
關轉憐榆影寂脉脉絳河灣

葆汜書屋外集卷二

八

賦得似曾相識燕歸來得歸字

何處曾相見春風社燕歸窺人來又去識面是耶非恍憶前  
盟訂偏知廢壘依投懷能戀主疑啼欲忘機軟語聽差熟芳  
鄰問已稀塵埃憐棟宇踪跡證簾幃綵失經年綫烏憐故國  
衣昔遊真似否小住訴睽違

賦得春江水暖鴨先知得江字

放鳴闌邊水餘寒卽漸降物情先就暖春意欲浮汀試浴心  
初警相呼語未唳前蹤離雁浦早信報漁艘暗覺篙添半輕  
隨舄去雙忘機笑鷗鷺得氣到蘭芷次第桃花汎流連阿子  
腔卜鄰期甫里沙荷拓晴牕

賦得波澄乍露魚得澄字

陡見游鱗出參差一碧凝添來秋氣爽悟到水光澄字霽如

開鏡颼涼欲動昏不藏苗細細纔透穀層層夜艇應驚月春  
池憶負水蘋繁芰畧淨顛鬢數猶能蓮葉蕭疎甚苔磯曠蕩  
仍何人航坐釣濠濮興還乘

賦得一樹碧無情得無字

著意涼吟健忘言碧蔭孤五更聽未了百感動能無縹緲橫  
琴想曹騰潑翠圖若為啼盡血直恐看成朱恨與天俱老心  
憐木竟枯齊宮非慘綠南浦又春蕪草草殘聲曳茫茫暑序  
徂多情秋信早一葉戒高梧

賦得五字長城得城字

贈答河梁始唐賢晚擅名一新無故壘萬里卽長城隻字吟  
髭苦重圍唾手爭雄叅羣嶽峙高及聚奎明絕鑿心兵銳推  
敲面勢平鳳樓修不易媧石鍊偏精似待兼金鑄寧甘半壁

葆冲書屋外集卷二

九

撐英才

當代擢衆志勉相成

賦得亦在車下得車字

破斧西歸日三軍感出車宵征常獨宿野散有周陟力瘁奔  
輪後情關臥轍餘提撕思警枕安穩羨行盧鈴鐸煩催喚芻  
芟畧糞除戴星誰伴此零雨況愁子分合儕驚下勞還甚拮  
据

昇平人解甲刁斗夜聲徐

賦得懲羹吹壘得壘字

炙手羹何熱難教物性齊吹噓懲沸釜珍重到寒壘劃粥心  
原在探湯智忽迷似嫌嘗指誤欲效反唇稽甕積愁枵腹杯  
分歎噬臍調梅應借警擣雪竟忘凄戒嗜恒情有驚弓過慮

奚菜根滋味好鼎餼慎提撕

賦得畫地爲餅得名字

素飽誠堪謔儒流只畷名畫龍嗟屢術說餅付空評未許調  
饑慰寧勞棄地爭規模原土偶滋味卽塵羹漫洵真形失葫  
蘆舊樣更賦才早束暫市價減邠卿借箸謀何拙搏沙勢不  
成曲江綾館美家食慎虛聲

賦得欲語羞雷同得從字

有語同聲應如雷遠邇從乍聞防掩耳欲發故頰容夏夏誰  
孤往闐闐厭屢逢常年蘇蟄候俗子聚蠹蹤窘任腸鳴數甜  
憎鼻息濃自甘精銳減不假震驚重布鼓持非拙神椎試亦  
慵

昌時占豫奮勦說更無庸

葆沖書屋外集卷二

十一

賦得牀上書連屋得連字

仰屋心方苦移牀膝又穿破書存濩落嘉樹對流連有壁森  
俱立如巢穩不遷何年等身業隨分打頭椽枕畔淮南秘楹  
間晏子傳名山藏頗在高閣皮誰賢偏仄東西住欵斜上下  
眼定知來往熟還借一紙便

賦得風定池蓮自在香得香字

風與人俱定花非水借香自然微妙出宛在溯洄長乍斂青  
蘋末猶含翠葢涼歎餘嫌麝俗尋遍覺鷗忙婉轉纔通鼻端  
巖不動裳仙歸無遠御佛靜有圓光羽扇秋何寂蘭橈夜正  
藏披襟慚賦手願漱  
液池芳

賦得皇皇者華得行字

宵雅蒐材富皇華應節榮天分恩露與人戴使星行焜耀輶  
車望芳菲野館程游纓爭采艷濡轡惹條輕博物箋難遍登  
高賦定成柳宜增昔感薇已卜歸情鞞鞞姬宗盛裳裳洛會  
賡

周咨欽

聖慮寸草願舒英

賦得麻姑爬背得爬字

鳥爪飛仙幻塵心下士奢幾曾肩許拍翻覺背思爬握想黃  
痕弱搔隨髻影斜壁麟纖倘試擲米狡猶誇縹緲鴻搏雪玲  
瓏蟹過沙輕應失芒刺鈍欲笑薑芽薄譴鞭先及餘聞酒更  
賒瑤壇千古蹟何處望雲車

賦得馬不食脂得廉字

葆冲書屋外集卷二

十一

物有求芻慣心非擇肉廉載脂車所賴式食馬難兼飽欲辭  
肥齧殘寧效馥沾取蕭殊臭達餉東覺腸饜截玉肪空膩銜  
金吻忽箱蟻塗羞借潤禽竊笑忘嫌轉愧恩膏渥何關品料  
添

天閑多昔蒨曉仗侍森嚴

賦得牧豕聽經得經字

有土工求牧從師儼受經亡羊寧得計豢豕更勞形戲早擣  
蒲謝榮逾鼓吹聆園橋他日願歸笠寸心銘賤業牛醫厠羈  
蹤馬磨停渡河祛積誤賣餅乞餘靈翁子長貧日公孫未壯  
齡菑畬依

聖訓麟瑞集郊坰

賦得龍見而霄得龍字

史職宵占宿王心夏憫農市將驅赤妓躔恰見蒼龍嘆舞周  
官掌昏九月令逢象形聯角尾合響備鞀鐘丙伏時猶早辛  
祈意更恭事殊湯禱急聲寓舜吁重有噫瞻尤切爲榮義可  
宗

熙朝常典飭畢雨驗星從

賦得爽氣澄蘭沼得心字

碧沼秋容爽叢蘭曉氣森澄來天一色泛去客同心細浪徐  
生槩光風暗襲襟影芰蘋藻淨情託杜蘅深太液芳俱漱西  
山靄欲侵蘼蕪堂下想翫翠鏡中臨澤國涼偏早蓬瀛思不  
禁

恩波連楚晚空谷佇嘉音

賦得蕙帳空今夜鶴怨得空字

葆冲書屋外集卷二

三

幽人自抗塵容去鶴侶多情戀蕙叢猶有餘香秋帳薄不勝  
清怨夜堂空松扉顧影寒如許蘭室無言素可同漏盡虛聞  
警殘露夢回何處轉光風焚芝彷彿孤成歎隔竹玲玕望欲  
窮涼意劇憐侵枕簟哀音底爲訴樊籠心隨荃化芳應歇跡  
類鷗猜狎未終十幅青綾肯相憶縱縱起舞月明中

賦得散隨流水過溪橋得溪字

玉戲春空舞不齊東風散暖入清溪暗分水勢三篙活小漲  
橋痕一寸低舟重漸忘飄箴箴水輕猶誤響漸漸魚纜破荇  
險難聚人欲憑闌照定迷墜粉前朝長板渡落梅殘夢段家  
隄蘸波柳嫩如催絮倒影鴻疎漫踏泥弱質隨流俄上下浮  
華過眼各東西薄寒料得消融易扶看晴光有杖藜

賦得水村山郭酒旗風得風字

水北山南十里通秣陵春在畫圖中香飄綠酒前村店影馳  
青旗出郭風屋外晴鳶扶乍起柳邊歸燕受偏工頭番信息  
催紅杏一道殷勤駛玉驄巷陌昇平酷價賤樓臺感慨醉懷  
同裕衣披處寒猶峭蠻榼攜來雨又濛送遍短長亭黯黯吹  
殘百五日匆匆憑闌會取司勳句六代繁華掃欲空

賦得雨敲松子落琴牀得敲字

石牀人去素琴拋漠漠庭陰翠鬣交隆實飄來驚雨過疎絃  
觸處誤風敲痕枯宛界蛇跗斷蒂濕剛隨鶴翅捎澗水寧關  
添咽響簷花如共脫殘苞前身滴記孤桐否到地銜應黠鼠  
教逐陣未妨堆似葉知音端識挂非匏寒侵玉軫愁將碎急  
趁銅籤聽不消領取入松高韻在丁耽茆屋譜重鈔

賦得深巷明朝賣杏花得花字

葆冲書屋外集卷二

三

春城徹夜雨如麻旅館挑燈靜不諱曉色千門初斷漏香風  
十里遍開花衝泥數去聲聲屐帶濕移來寸寸芽瓦枕欲聽  
疑隔巷晶簾催捲定誰家預愁宿燕驚濃睡想學遊蜂趁早  
衙後日陰晴知判否前村消息問非耶玉樓振觸江南夢酒  
旆商量陌上車試汲井華瓶膽細披衣起欲驗朝霞

賦得花爲四壁船爲家得船字

采芳一棹入清漣鏡裏花光鏡裏船頗憶江南家好在未愁  
司馬壁蕭然四圍膩馥如含粉十笏寬租底論錢君子風裁  
圖史近野人生計鷺鷗偏晚亭鬟唱聽誰畫春水鷗浮望欲  
仙漫想紗籠真秘惜自攜茶竈儘安便叢深只當簾長下屋  
小非關岸偶牽萬柄紅稀雙槩閣匆匆傳舍又明年

賦得修竹成陰手自栽得陰字

故園回首昨成今記劇檀欒一片陰三徑雲烟真到手十年  
風雨最關心刻殘翠墨詩痕在聽慣春雷物性深留客喜教  
申舊約添孫頗復盼佳音勝攜有斐人如玉細數平安字值  
金小鳳能來秋實滿長鏡無恙歲華侵種松老屋情俱遠插  
柳官堤思不禁從此生涯耽學圃夜燈燈火伴龍吟

賦得露冷蓮房墜粉紅得紅字

方塘秋影夜朦朧愁在烟波萬頃中珠顆乍疑千點白粉痕  
都墜十分紅滴成清淚憐衣薄卸去殘妝悟鏡空似洗蛾眉  
晨漲膩枉黏蝶翅午晴烘幽情渺渺葭欵岸遠夢霏霏桂濕  
叢承處儘輸金作掌吸來虛想碧爲笳多猜籬竹剝斑嫩不  
比山榴護子工收拾花鈿明歲約更將霑灑乞天公

葆沖書屋外集卷二

古

詩餘

詞餘

秀水 汪如洋 潤民

買陂塘

題 皇三孫幽篁獨坐圖

碧情情軟紅不到是誰拈破清景朝川句子湖州畫占取月  
明人定傾耳聽有第五絃聲穿徹重三徑萬竿雲影比鄴水  
朱華淮山金粟命意較閒冷 高齋裏長日冰甌淪茗讀書  
胸次如鏡煙霄鸞鳳天姿別想像心虛節勁斜又整算吹到  
成林不獨東風幸來游噬肯問好片檀藥自怡已足莫也許  
持贈

賀新涼

小雨槐花院乍朝涼來禽青李剡藤臨遍窳地疎簾清於水

詩餘

一

白紵衫輕人健閒屏擋酒籌茶鼎響盞銅街敲未了一聲聲  
儘向詩脾嚙官果熟園丁薦 酸甜風味隨深淺細沈吟南  
皮高會古今泡電我是煙波五湖長拋却芙蓉扁算只有  
葡萄堪戀如箭光陰留不住又金盤露滴鉞樓宴重乞巧閨  
秋展

雪獅兒

花間堂畜小犬甚馴名之曰頻婆盧作此詠之

苔茵綠淨杞徑苗肥吠聲初悄舐鼎遺來雲外仙蹤未杳芳  
名試道比紅豆相思還好知慣否秋風十里平原逐狡 寫  
出當關影肖算貓睛子午底須量較畫虎難成故事翻將一  
笑竹牀清曉聽鸚鵡心經剛了呼童抱繫却重環休掉

洞仙歌

題陳其年填詞圖

戟髯瀟灑認書生陽羨和淚朝朝洗愁面算覆巢身世醇酒  
生涯何處是天上紅雲香案青衫真落拓四壁歸來賸對  
芙蓉遠山遠細雨夢回初樓外輕寒釀多少玉簫幽怨怕咽  
住柔簧不成聲待擁髻挑燈夜深談倦

又

前題

烏闌寫罷又承明催赴回首花間奈何許想暮年詞賦零落  
鄉關渾不記舊宅臨江誰住諸孫文采盛珍重霜縑爲我  
蕭窗拂塵蛙無恙此花身兒女風雲摧抑盡平生黃土拚醉  
起英魂向秋宵付一闕銅琶大江東去

揚州慢

詩餘

詠芍藥用樊榭山房韻

門掩梨雲徑吹釀雪輕寒九十都銷對鶯忙蝶懶強與殿芳  
韶想侵曉豐臺露泣箇人珠淚染徧鮫綃怕仙郎薇省吟成  
也只無聊春嬉南浦記盈盈兒女情苗嘆后土祠前歐公  
堂外水遠山迢贏得膽瓶斜插銀燈畔酒暈偷描任濃樹藍  
尾來朝綠暗平橋

疎影

賦柳絮用樊榭山房絮影韻

尋芳夢遠正碧煙萬縷深鎖仙苑那處飛來片片撩人湘紋  
過午慵捲灞橋多少分襟淚翻滴到伊行青眼又惹他林下  
詩情記起撒鹽庭院搭徧闌干幾曲比晴絲天半作態還  
軟乍去仍迴欲住難收笑我坐禪心懶萍踪別浦匆忙甚悵

杜宇斜陽催晚算不如蝶粉西園留與綠陰爲伴

金縷曲

池上見柳色初黃因填此調

一曲晴漪漫礙平橋枯椿影瘦嫩黃初燃珍重年時傷搖落  
慣費東皇裁翦詭病起章臺人倦杏頰桃顛都易老效時新  
只辦梅痕淺渾未解別離縮風懷詞客翻零亂夢依依少  
年三五可憐思曼會向尊前歌金縷半晌梁塵吹散剩絲鬢  
婆娑霜滿庾信鄉關飄轉劇又長條幾度搓教短重爲汝拭  
青眼

又

一榻瀟瀟起斷無人孤村茅屋濕煙如水白髮盧生春夢轉  
此境生平曾幾橫著我閒身畫裏千載江湖燈燼夜和殘更

詩餘

三

點滴猶能記今復舊兩彈指山樵斲法雲林字付滄海東  
南風雅斷縑零紙西爽樓邊詩境濶一霎朝嵐新洗消受得  
爐熏棐几結習名流何限在判人間天上俄從此毫欲吮又  
還止

東風第一枝

題項秀才繡谷友花圖

雨澀岑苔秋荒徑草寮孤况誰寫夢回香國前身幻緣未  
教脫卸多年識面想評穀名流聲價悄商量雪月風時團却  
故園新社撰九命詞章騷雅拜九錫情文蘊藉怪伊鷗鷺  
酸寒換將燕鷺嬌媿詩盟酒伴信福分才人難假願絕爰且  
莫成書我亦采芳來也

滿江紅

題宋高宗中興瑞應圖

古汴秋風茫茫捲白波  
衰草纔換取東南一角小  
朝廷小冀野幾愁龍種  
沒秦庭幸不烏頭老  
嘆江山如此又江山  
留殘稿天山箭機先兆  
滹河騎神如告儘興王  
佳話後先評較異日孤臣冠指髮  
終身二聖環垂臆  
算等閒費盡阿婆心  
金杵禱

滿庭芳

咏榴花

醉竹光陰煮梅庭院長日吹徧薰風  
綵舟罷戲池館綠陰濃  
一點丹房綻處簾押外  
火齊光融憑誰剖明珠萬顆多  
貯寸苞中  
匆匆芳序轉  
凌波水榭也換裳紅  
有多少露寒星曉  
意態惺忪便喚瓜皮蕩去  
香不斷四壁玲瓏閒消受  
櫻鞋羽

詩餘

四

扇人比畫圖工

沁園春

詠淡巴菰

何處移栽種玉田中佳名早傳  
試筠筒巧截吸來初滿綵囊  
深貯探處還便石火催敲  
爐香倩熟霧閣雲窗指顧間  
問庭悄鎖相思一縷消向誰邊  
齒芬牙慧堪憐比爛嚼檳榔味  
更鮮慣引他吟興  
僮呼酒後助他談屑客到茶先  
嗅偏濃水吞差辣嗜好人心  
笑屢遷風前語願牢持桂信  
聽我蘭言

